

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

فرانسه ده احوال حاضرہ اجتماعیہ

فرانسه ده فحش و جنایت جو غالبور ، قانونسزاقی و بالنتیجہ آنارشی حکم سوریور ، ہیئت عدول معصیتکارانہ بر مساعہ ابرازیلہ اک مدہش جانیلری تیرہ ایدیور ، میخانہ لک عددی آرئیور ، نفوس تناقصده بردوام ، اخلاقہ مغایر افعال و حرکات ہرستہ برر نسبت ہندسیہ ایلہ تکثر ایتکدہ ، خلاصہ سیزہ اک سیاہ و دومانی حکمر ویردیہ بیلہ جک نہ قدر وقایع واریسہ فرانسه ده حیرتی موجب برمدولیتلہ مشاہدہ ایدیور « سلائیک - روم ایلہ

شیرین

مجلس مبعوثان عثمانی

مجلس عمومیہ رسم کشادی ، نظم و انضام . نسیانک بشنچی کونی مجلس عمومی عثمانی مراسم مخصوصہ و کال احتفال ایلہ کشاد ایدیور . یکی مبعوثان ، صدراعظم و ہیئت وکلا سالونہ کادکن سکر زوالی ساعت ایکی درت کچہ ذات هایون حضرت خلافتینای شہزادکان حضراتی ، سرکاتب و سرقرین و تشریفات عمومیہ ناظرلری بک افندیلر ویاوران ایلہ مجلس صالونی تشریف بیوردیلر . سرکاتب بک افندی قیرمزی آطلس کیسہ درونندہ بولونان نطق هایونی بالتلیم صدراعظم پاشایہ تودیعی ایتدی . مشارالہ دخی بعدالثلیم غایت یوکسک برسلسلہ ذات حضرت پادشاهی نامنہ آتیدہ کی نطق افتتاحی قرائت ایلدی :

محترم اعیان و مبعوثان ،

ہر مملکتدہ مشروطیتک فیض بخشا و مشر بر صورتدہ استقرار و انکشافی قوہ تشریعیہ ایلہ قوہ اجراییہ بینندہ عدل و موازنسک تثبیت و تأمیننہ موقوف بولمنسنہ و بوامنیہ نک حصوانہ ساعی اولان حکومتلہ قوہ تشریعیہ آردسندہ اختلاف وقوع بولمنسنہ مبنی قانون اساسی موجبہ مجلس مبعوثانک فسخنی ارادہ ایتمش ایدم . ینہ قانون اساسی ایلہ معین اولان مدت ظرفدہ انتخابات جدیدہ اجرا ایدیورک بوکون مجلس ملینک کشادینہ بلطفہ تعالی موفقیت حاصل اولدی ، بومناسبت خیرہ ایلدہ جناب حقہ حمدو ثنا ایدر وجملہ کزہ بیان خوش آمدی ایلرم .

مشروطیت ادارہ نک مابہ القوامی اولان قانون اساسینک احتیاجات مملکتہ کورہ اکمال تعدیلاتی برنجی درجہ دہام و الزمدر . مجلسکزک اول امردہ بوجہ صرف اہتمام ایتمنی و تودیعی اولنہ حق قوانین لایحہ لرینک سرعت تدقیق و تصدیقی و بونلرک حین مذاکراتسندہ کچیریلہ جک ہر دیقہ نک حیات ملتدہ پک قیمتدار اولدیغنک نظر اہمیتدن دور طو تلامسنی حیت وطنیہ کزدن بکلام .

مملکتدہ تجارت و زراعت و صناعتک بحق انکشافی امن و آسایش تقریرینہ وقواعد عدل و مساواتک تماماً تطبیقہ وابستہ در . بومقصدک فعلاً تأمیننہ ضمنتدہ احتیاجات محلیہ بی رأی العین مشاہدہ و تدابیر مقتضیہ بی بلامہال ملحدہ اتخاذ و تطبیق ایلک اوزرہ داخلہ ناظر مرک ریاستی تحتندہ روم ایلہ بر ہیئت مخصوصہ اعزام اولنمش و ہیئتجہ

تقرر ایدن اصلاحات پیدرپی تطبیق ایدلمکدہ بولمنشدر . سائر ولایاتمز احتیاجاتنک دخی تدقیق ، اراضی مسائلنک حل و عشا ترک اسکانی ایچوندہ آروچہ ہیئتلر اعزامی مقرر بولمنشدر .

امور نافعہ جہ کشفیات ابتدائیہ سی اجرا قلنان و آناطولیہ بر حیات جدیدہ ویزہ جک اولان صامسون - سیواس ، ارزنجان - ارضروم و طریزون - ارضروم دمیرویوللری حقندہ مذاکرات جریان ایدلمکدہ اولدینی کی ، آناطولی خطلرینی سیواس خطوطنہ برطایدہ جک اولان دمیرونلک اہمیت عظیمہ سنہ مبنی سرعتلہ انشاسی اسبابی تدقیق ایدلمکدہ و مناسرتدن یونان حدودینہ ، قومانودن بلغار حدودینہ قدردہ برر خط حدیدی انشاسی ایچون شرکتلرلہ مذاکرہ دہ بولنمقدہ در . اسکوب - قالقاندلن - غستوار شمندوفرینک دہ مقالہ سی عقد ایدلمش اولوب مجلسکزہ تودیعی اولنہ جقدر .

واردات دولتدہ سنین سابقہ دہ اولدینی کی اوچ یوز یکر می یدی سنہ سنندہ دہ پک مهم بر تراید وارددر . اوچ یوز یکر می سکر سنہ سی بودجہ سنک مجلسکزجہ سرعت ممکنہ ایلہ تدقیق و تصویبی غیرتکزدن منتظر در .

سنہ لردن بری سفک دمایہ سبب اولان ین مسئلہ سی اورالردہ کی قوہ عسکریہ مز قوماندانی وارکان حربیہ مز رئیس عزت پاشانک اتخاذ ایلدیکی تدابیر عسکریہ و حکیمانہ ایلہ حسن صورتلہ حل اولنہ رق حمداللہ سکون حاصل اولمش و عسیر جہتلرنندہ دخی اعادہ سکون ایچون تدابیر عسکریہ اتخاذ اولمنشدر .

صادق و قیمتدار بر مامورمز اولان سیسام بکی قوپاس افندی حقندہ کی سوء قصد موجب تأسفمز اولمنشدر .

کریددہ حقوق حکمرانیزک محافظہ سی اساسندہ متحد بولندقلرینی و بواساسہ مغایر بر حرکتک وقوعنہ مساعدہ ایتیمہ جکلرینی انکلتیرہ فرانسه و روسیہ دولتری بزہ تأمین ایتشلرددر . حکومتمز بومسلہ دہ تیقظ و تبصرلہ حرکت ایتکدہ اولدیغندن احوالک کسب ایدہ جکی شکلہ کورہ تدابیر اتخاذ و حقوقزک محافظہ سندہ ثبات ایدیور جکدر .

قوای حربیہ مزک ترقیات اخیرہ سی موجب ممنونیت بر حالہ اولوب بونک بر قانداہا تکمیلی اسبابنہ اعتنا اولنسی نخبہ آملزدر . بویولدہ مصروف اولان مساعی صلح و آسایشک محافظہ سنہ و حقوق مملکتک مدافعہ سنہ معطوفدر .

سیاسیات خارجیہ مزدہ حکومتمزک تعقیب ایتدیکی خط حرکت معتدل فقط متین اولمق و حقوقزک تماماً محافظہ سیلہ حقوق آخرہ تجاوز ایتامک اساسنہ مستند بولنمق اعتباریلہ دول معظمہ متحابہ و قومشو حکومتلرلہ اولان مناسبات سیاسیہ مز کا کان صمیمی و ہر طرفدن متقابلاً ابراز اولنان مآثر ائتلاف و مسالمت پرورانہ ایلہ دہا زیادہ مستعد انکشاف و انبساطدر .

دولتزلہ ایران دولتی بینندہ مختلف فیہ اولان حدود مسئلہ سنک حلنی آرزو ایلدی کمزدن اساسات عہدیہ نک تبیینی صورتیلہ حقوق